

## SECTIO II.

## CAP. I.

## De Ordinando studio Philosophiæ Theoreticæ.

§. 1.

Cum Philosophia in *Theoreticam*,  
*seu contemplativam, & Practicam*,  
*seu Activam*, vulgo dividatur; prius  
de *Theoretica*, qvam de *Practica* diri-  
genda dispiciemus. Utriusque vero  
instrumentum est *Dialectica* sive *Logi-  
ca*. Itaque prius de eadem qvædam  
prænotanda veniunt.

§. 2.

Commune scilicet Philosophiæ in-  
strumentum est Logica, ὅργανον inde &  
τεχνη οἰδησην appellata; à qua pro-  
inde in Philosophia initium fieri, ratio  
imperat. Per hanc enim cogitationes  
hominis diriguntur ad res distinctius  
cognoscendas & declarandas. Qvare  
& ars cogitandi à multis non inepte vo-  
catur.

§. 3.

## §. 3.

Occurrunt in illa passim multa nullius, aut modicæ frugis. Idcirco opus est fideli & prudenti præceptore, qvi illa inania ab utilibus discernere doceat. Doctrina de *Prædicabilibus & Prædicamentis* primum delibanda, qvia vocabula, quæ in illis explicantur, crebro in scientiis aliis leguntur. Deinde non perfunctorie doctrina de *Interpretatione & Enunciatione* excolenda est. Nam hac ignorata, nec aliorum qvis, nec suam mentem perspicue & dextre explicabit. Quæ de *Æqvipollentia & propositionibus modalibus intricate* satis traduntur, rectius forte ex Grammatica & genio cuiusq; lingvæ discuntur. Tandem vero doctrina de *Syllogismo & ejus speciebus cognoscenda*; qvippe sine qua, nec res demonstrare, nec de rebus aptè differere qvis potest, cum in scholis forte disputandum est. Alias in dialogis, qvi veteribus sapientibus usitati erant, syllogismis carere licet.

## §. 4.

## §. 4.

Sicut vero demonstrandi modum *Analytica* docet, ita ad differendum *Topica* ejusq; regulæ in primis inserviunt. Qvæ de *inventione* medii termini & *reductione* secundæ & tertiaræ figuræ *Syllogismorum* ad primam operose traduntur, usum certe nullum habent. De diversis Logicorum methodis nolo hic inquirere. Merentur tamen hic ab iis, qvi ingenio valent, expendi, qvæ sapientissimus *Bac. Verulamius lib. V. de Augment. scient. c. 1.* de partibus qvi busdam Logicis, qvas ille artes vocat, ingeniose differit. Adde excellentissimi *Polyhistoris Morhofi I*, fautoris & amici nostri aestimatissimi, *Polyhist. P. II. c. 4.*

## §. 5.

Bene de studioſa juventute merentur, qvi omissio illo ad nauseam in omnibus fere libellis Logicis repetito exemplo, de homine, qvod sit animal rationale, partim ex sacris literis, partim

ex

ex Politica aut Juridica doctrina, nova exempla adducunt, qvibus regulas logicas statim illustrent earumque usum simul ostendant. Modum qvodammodo præivit Neldelius in Prato suo *Logico*. Cui addi meretur Cornelii Martini libellus de *Analysi Materiae & Formæ Syllogismi Helmstadii publicatus*.

## §. 6.

Cæterum qvod compendia Logica attinet, varia extant, ut *Melanchthonis Dialectica*, *Crelli Logica* cum notis *Arnisei*, *Cornelii Martini commentarius Log. contra Ramistas*, *Horneji*, *Du Trieu*, *Bechmanni*, *Scharfi* & aliorum libelli logici. Vastos Commentarios, ut *Tolleti*, *Zabarella*, *Favelli*, *Conimbricensium* & similiū, illi evolvant, qvi artem Logicam forte profiteri student. Studio juventi satis est, unum sibi redidisse in scholis familiarem. Diu enim huic studio incumbere inanis labor est, nisi ad usum simul transferatur, qvod lauda-

Iaudatus jam *Morboſius P. II. c. XI. Polib.* ſvadet. Alia qvippe logica eft tyronum, qvæ in notionibus, qvas vo-  
cant, ſecundis occupatur; alia eft vi-  
rorum de rebus philosophantium. Hæc  
vere eft *ars cogitandi*.

## CAP. II. De Studio Metaphysico.

### §. I.

**E**T si *Plutarchus in Alexandro de Metaphysicis Aristotelis* non admodum præclare ſentit. Αληθῶς, in-  
qvit, η μετὰ τὰ Φυσικὰ περιγμάτεια,  
ωςδέ διδακναλίαν ηὴ μάθησιν ψόφεν ἔχει  
χεήσιμον, h. e. Revera commentarius il-  
le *Metaphysicus ad docendum vel discen-  
dum nihil habet compendii*; non tamen  
ideo ejus ſtudium plane contemnen-  
dum venit. Nam poſtea qvam termini  
*Metaphysici à Johanne Damascoeno in-  
ter Græcos, & Petrou Lombardo pri-  
mum, poſtea vero Scholasticis Theolo-  
gis, Theologiæ admixti fuere*, nullus  
hodie

hodie in Theologia polemica felices  
 progressiones absqve illorum notitia  
 faciet. Deinde etiam nulla fere scien-  
 tia seu philosophica, seu juridica est, in  
 qva non legantur termini Metaphysici;  
 qvippe qvibus vel definitiones vel di-  
 stinctiones rerum rotundius exprimi  
 solent. Qvapropter etiam Hugo Gro-  
 tius in *Epistola ad Benjaminum Maure-*  
*rum*, Legatum Regis Galliæ, svadet pri-  
 mam Philosophiam, h. e. Metaphysi-  
 cam delibare. At illius studio immer-  
 gi, aut etiam eō consenescere velle, Ja-  
 cobus Focanus, *Dissertat. de Studiis*, ma-  
 gnopere reprehendit. *Profecto Patres*,  
 inquit, antiqui, viri pii & docti & ma-  
 gni Theologi, huic studio Metaphysico at-  
 que Aristotelicae Theologie non ita indul-  
 serunt; imò à viris doctis obseruatum  
 est, qvò qvis magis Aristotelicus esset, eō  
 minus Christianum fuisse: ut non vane  
 Melanchthon dixerit; non sapere Chri-  
 stum tali palato, qvod Aristotelicis argu-  
 tiis infectum est. Adde, qvod olim mul-  
 ti

ti viri docti, Origenes, Clemens Alexandrinus, Justinus, Augustinus & alii, ex Platonis schola ad Ecclesiam Christianam transferint; sed nulli, aut certe pauci ex schola Aristotelis, qui Metaphysicis ejus speculationibus & argutiis infetti erant. Et paucis interjectis, pergit: Et quis dubitat, in Papatu ante aliquot secula per scholasticos doctores, Thomam, Scotum, Bonaventurum & alios, Aristoteli & ejus philosophicis tricis, & nugis nimis addictos, Theologiam non solum contaminatam & profanatam, sed penitus corruptam & extinctam esse? Nicolaus Beroaldus apud eundem Focanum, de Metaphysica Theologia loquens, diserte ait; illos, qui sophisticis istis nugis & frivolis argutiis dediti sunt, non rebus ipsis, sed rerum umbris falsis que imaginibus inhærere; & longe falli, totaque via aberrare. Non enim (inquit) studiosorum ingenia exacuant captiuncula istae, & tricæ spinosæ, (ut plerisque persuasum est;) sed mentis succum

cum omnem exhauriunt, adeoque à pietatis studio multos abducunt, &c.

§. 2.

Verum media hic via incedendum; ne illam vel contemnamus penitus, vel cum Scholasticorum turba, ex eadem faciamus realem disciplinam, qvalis forte Aristotelis videri potest, qvi primam substantiam immobilem, h. e. DEUM in ea simul contemplatus est. v. l. IV. Metaphys. c. 2. & Philosoph. Altorf. p. 519. 520. Scholastici, qvi omnem pene solidam philosophandi rationem perverterunt, per nescio qvas abstractiones, ens quatenus ens, in abstractione à Deo & creaturis, à substantia & accidente sumtam, Metaphysicæ suæ objectum fecere, eamque parum apte reginam scientiarum appellarunt; cum servæ vicem in aliis scientiis obire soleat. Sanè, qvi illam pro scientia vera dicta venditant, apud rerum gnavos non facile fidem invenient.

§. 3.

## §. 3.

Ultimum hujus erroris fontem B. So-  
cer meus Jacobus Thomasius, in *Historia  
variae fortuna*, qvam disciplina Meta-  
physica subiit, sub finem *Erotematum  
suorum Metaphysicorum*, erudite dete-  
xit; ostendens, Metaphysicam Schola-  
sticorum, qvæ in Scholis & Academiis  
docetur, non nisi *Lexicon* qvoddam  
*Philosophicum* esse, in formulam scien-  
tiæ redactum, qvo nemo eruditorum  
carere facile possit. Qvis enim voca-  
bula, trita licet in Scholis, ut *entis*, *es-  
sentiæ*, *personæ*, *potentiæ*, *actus*, *causa-  
rum*, *effecti*, *necessarii*, *contingentis*, *to-  
tius*, *partium*, *unionis*, *positivi*, *privativi*,  
*distinctionis*, *oppositi* & *similia*, rectè,  
sine Metaphysicæ ope intelligat, aut  
exponat? Ned dicam majorem Theolo-  
giæ polemicæ partem, scholarum forte-  
vitio, his vocabulis involutam esse.  
confer illustris Dn. SeckendorffI, Patro-  
ni mei faventissimi, *Christen-Stats*  
*t. III. c. VIII.*

## §. 4.

## §. 4.

Magistri ergo in hac eruditionis parte consulendi sunt, qui eam perspicue tradiderunt; ut *Cornelius Martini*, & *Hennings Arnisaeus*; vel qui uberioris hanc doctrinam explicatam dedere, *Scheiblerus*, *Ebelius*, *Jacchæus*, *Jacobus Martini*, *Stahlius*, & *Weisius*, *Professor Giessensis*. Grandiores commentarios reliquerunt *Francisc. Suarez*, quem magno numero secuti sunt alii ex Scholasticorum natione, *Fonseca*, *Mendoza*, *Capreolus*, *Arriaga*, & multi alii, quos evolvere non nisi illis, qui otio abundant & tricis delectantur, svaldemus. Studiosos Theologiæ polemicæ, post compendium aliquod evolutum, *Kesleri Metaphysicam Photinianam*, & *B. Calovii Metaphysicam divinam*, inspexisse aut evoluisse non poenitebit. Juris autem cultoribus sufficit, compendium aliquod perlustrasse, ut terminorum passim obviorum notitiam sibi comparent. Tale *B. Thomasi Ergemata Metaphysica* præstant.

CAP.

CAP. III.  
De Studio Physico.

§. I.

**S**CIENTIÆ NATURALIS sive PHYSICÆ studium cum non minus jucundum, quam utile sit, omnibus omnino honestæ doctrinæ cupidis commendari debet. Quid enim *jucundius*, quam mundi hujus aspectabilis partes & varia corpora, horumque seriem atque connexionem inter se contemplari elegantissimam? Quid magis animum hominis, præsertim Christiani, afficit, quam explorare cūjusque corporis vires, quibus Creator sapientissimus & benignissimus quodque ad usum hominum instruxit? Magna illa quatuor corpora, quæ Elementa dicuntur, animatis & inanimatis inserviunt: inanimata vivis, inter viva stirpes & plantæ animalibus, inter animalia pecudes homini; ita ut propter hominem universa corpora Deus; hominem

minem vero propter seipsum produxisse dici queat.

## §. 2.

*Utilitatem Physice doctrinæ qvisque in aliis studiorum generibus deprehendet. Qui se Medicinæ studio destinavit, is ab hac scientia studium suum ordiri debet. Qvia, si naturæ corporis humani, illa parte, qva laborat forte morbo, opitulari vult; non tantum fabricam corporis humani, temperamentum hominis, & seriem causarum atqve effectum naturalium nosse convenit; sed oportet qvoqve vires rerum naturalium, unde in triplici naturæ regno, animali, vegetabili & minerali, medicamenta præparari solent, scire. Si qvis morali aut juris studio incumbit, tum animæ nostræ naturam, facultates ejus, functiones & affectus explorare; tum etiam corporis hnmani partes vitales, & qvid eas lœdat, vel immiuat, nosse maximè conductit. Usum ejus in jurisprudentia uberiorēm, Paulus*

lxxv

*Ius Zachias, Medicus Romanus, in Questionibus Medico-legalibus ostendit.*

## §. 3.

Majorem adhuc utilitatem ex Physica percipit Theologus, qui S. Scripturam interpretari, aut bonitatem, sapientiam atque potentiam Dei infinitam, ex lumine naturae declarare satagit. Has enim virtutes nullo efficaciori argumento, gentilibus demonstrari posse, nisi ex machinæ hujus mundanæ visibilis compage, & corporum in ea comprehensorum magnitudine, pulcritudine, artificio & conservazione, ipse gentium Apostolus *Rom. I. 19. 20.* docet. Quem usum illa in expositione tum historiae creationis, tum multorum aliorum S. Scripturæ locorum; in primis *Job. XXXVII.* usque ad *XLI.* cap. item in locis propheticis & parabolis *Matth. XIII. v. 7. & 1. Cor. XV. v. 36.* seqq. præstet; peculiaribus commentariis certi autores ostenderunt: ut *Valesius in Philosoph. Sacra;* *Daneus*

in

in *Physica Christiana*, *Johannes de Mey*  
 in *Commentariis Physicis*, qvibus loca a-  
 liqvot selecta V. & N. T. illustrat, *Vossius*  
*de Theologia gentili*, *Valentinus Henri-*  
*cus Voglerus*, in *Commentario de Rebus*  
*naturalibus ac medicis*, in *scripturis sa-*  
*cris*; *Sam. Bochartus in Hierozoico*,  
*Franzinus in historia Animalium*, qvæ  
 cum eruditis nostri collegæ honoratissimi  
*L. Cypriani commentariis prodiit*, *Bar-*  
*tholinus in Arboreto Biblico*, nec non tra-  
*ctatu de Morbis Biblicis*, & alii.

## §. 4.

Enimvero cū ut olim, ita nostro tem-  
 pore, *Physicorum certæ existant Sectæ*;  
 ita ut alii sint *Peripatetici*, alii *Cartesia-*  
*ni*, alii *Helmontiani*, alii *Sperlingiani*,  
 alii denique *Ecclesiæ*; tironi *Physicæ*  
 svaserim compendii alicujq, ut *Sperlin-*  
*gii*, *Sturmii*, *Bartholini*, *Sengverdi* aut  
 similis lectionem, qvæ & futuro JCto &  
 Theologo usum præbere potest. Si vero  
 quis se fere preparat Medicinæ studio, il-  
 lum *Physicæ Cartesianæ*, *Helmontia-*

B

næ

næ & Democriteæ peritum esse oportet. Qvia Medici recentiores horum Physicorum fundamentis, multas assertiones superstruere solent. Itaque Joh. de Raci Clav. Philos. Natural. seu introductio ad Naturæ contemplat. Aristotelico-Cartesi. Jacobi Rohaulti, Sengverdi, Du Hamel, cl. Sturmii & similium Cartesianorum recentium commentarii Physici cum ipsis Cartesii scriptis evolvi possunt. Democriti Physicam Gas-sendus, & Joh. Chrysostomus Magnus in Democrito Revirescente exposuerunt. Helmontii principium de Aqva Domini-nus Boyle, nobilissimus Anglus declaravit & defendit. Ex Aristotelicis & Scholasticis Jacob. Zeisoldum, Tole-tum, Pererium, Zabarellam, Conim-bricenses & Ruvionem aliqui commen-dant. Sed horum & similium mentem breviter & perspicue tironibus B. no-ster Thomasius in suis Dialogis Physicis exposuit, & quandoque, adspersis recentiorum Physicorum sententiis, cor-rectit.

rexit. Præstat in hac scientia εὐλεκτικὸν  
esse, quām se uni tantum magistro man-  
cipasse; in primis cum seculi nostri cu-  
riositas, variis qvippe adminiculis in-  
structa, subinde nova, veteribus igno-  
rata aut quæ incredibilia visa sunt, dete-  
xerit. Clariss. Sturmii Physica Eclecti-  
ca præ ceteris hic commendari mere-  
tur.

## CAP. IV.

## De Studio Mathematico.

§. I.

**M**ATHESIS, quæ τὸ πνεῦμα καὶ τη-  
λίκον, quotum & quantum h. e.  
numerum & magnitudinem, vel una  
voce, quantitatem, quatenus a materia  
singulari & sensili abstracta est, consi-  
derat; dividitur in puram & mixtam.  
De utraqve, ductu Gerb. Job. Vossii libr.  
de universæ Matheſeos Natura & Con-  
ſtitutione, pauca diſſeram. v. Sturmii  
Matheſin Enucleatam & Medicinam  
Mentis illuſtris Domini a Tſchirnhaus,  
p. 242. seqq.

B 2

§. 2.

## §. 2.

*Mathesis pura* considerat *quantitatem* plane abstractam; ut *Arithmetica* *quantitatem* discretam seu *numerum*; *Geometria*, *quantitatem* continuam, h. e. *magnitudinem*. Numerus autem est *multitudo* ex *unitatibus* collecta; unum enim est *semen* seu *initium* *numeri*, non ipse *nummerus*. Pythagoreorum judicio, referente Proteo, primum sapientiae opus est, numeros scire; alterum sermocinari.

## §. 3.

*Geodesia* est scientia bene metiendi; puta omnia, quæ *materia* constant, et si a solius terræ dimensione nomen compositum sit. Illa quatenus *theoretica* est, varias continuæ *quantitatis* proprietates ac proportiones de *subjecto* suo demonstrat; quatenus autem *practica* est, metitur *lineas*, *superficies* & *solida*. Demonstrationes ejus evidenterissimæ sunt: Hinc *Seneca l. i. Natural.* quæst. ait: *Rationes, quæ à Geometris adferuntur,*

feruntur, non persuadent, sed cogunt.  
Hanc primum inter Græcos literis  
mandavit Euclides, opus suum Elemen-  
ta inscribendo, quod libris XV. constat,  
in quos Clavius commentarium scripsit.

## §. 4.

*Mixtae* Matheſeos disciplinæ, qvæ  
cum re sensili aliquatenus concretæ  
ſunt, numerantur ſex, *Canonica* ſive  
*Musica*, *Logistica*, ſive ſupputatrix vel  
calculatoria; *Optica* ſive pereſpectiva,  
*Geodesia*, *Cosmographia* & *Mechanica*.

## §. 3.

*Logistica* & *Musica* ſubalternatæ ſunt  
Arithmeticæ: *Optica* & *Geodesia*, *Cos-  
mographia* & *Mechanica*, ex Geometria  
originem ducunt. Inde appetet, Arith-  
meticam & Geometriam primum dis-  
cendas eſſe, deinde reliqvas. *Cosmo-  
graphiæ* partes ſunt Astronomia, Geo-  
graphia & Chronologia.

## §. 6.

*Mechanica*, qvæ eſt ars ex Mathema-  
ticis & Physicis rationibus, efficiendi

B 3

machi-

machinas & organa mirandi effectus.  
Usus ejus est in Architectura, arte nau-  
tica ac militari: item in rebus œcono-  
micis & artibus sellulariis. v. *Jung-Ni-  
ckel Clavem Machinarum, & Bækleri  
Theatrum Mechanic.*

## §. 7.

De usu scientiarum mathematica-  
rum multiplicitum in aliis artibus, tum  
in tota vita humana, pauca monebi-  
mus. Ac qvod Geometriam primum  
attinet, illa reddit ingenia solertia.  
In Geometria, inquit *Qvintilianus l. I.  
c. 16.* partem fatentur esse utilem tene-  
ris æstatibus: agitari namque animas  
atque acui ingenia; & celeritatem per-  
cipiendi venire inde concedunt. Hinc  
*Plato libr. VII. de Reipubl.* ait, Mathesi  
imbutos eis ποίησα τὰ μαθήματα δέξεις  
Φάινεται, ad omnes disciplinas acres  
promtosque apparere. *Lactantius l. III.  
c. 24.* Grammatice multos annos aufe-  
rat, necesse est: Nec oratoria quidem  
ignoranda est: Geometria quoque &  
Musica

Musica & Astrologia necessaria est ;  
 qvod hæ artes cum Philosophia habent  
 aliquam societatem. Sic in scientia  
 naturali & Medicina Geometria mani-  
 festum usum præstat , ut corporis hu-  
 mani fabrica , muscularum tendines,  
 hic in ossium capita, alibi in os medium  
 insertæ cognoscantur. Et , si DEUS  
 juxta librum *Sapient.* c. XI, 22. omnia  
 in mensura, numero & pondere dispo-  
 suit: opus est mathesi, ut sapientissimæ  
 creatoris sapientia inde demonstrati  
 possit. *Hippocrates* Cous hanc ob cau-  
 sam epistola sua *Theffalo* filio præcipit,  
 ut Arithmeticam & Geometriam di-  
 sceret, non ad splendorem vitæ, sed ad  
 usum artis medicæ.

## §. 8.

Utilitas Matheseos in Architectonica  
 maxime elucet, qvippe qvæ præst stru-  
 cturæ ædium , sine qvibüs evitare inju-  
 rias aëris, resqve nostras tueri haut pos-  
 sumus. *Architefttonica* enim munit ur-  
 bes, & militaris architecturæ beneficio

castra metamur, acies struimus, dentamus, porrigitus. confer. *Platon. l. VII.*  
*de Republ. edit. H. Steph. tom. 2. p. 526.*

## §. 9.

Usus *Arithmeticae* in re familiaris, in mercatura & in ipsa Theologia est longe maximus. Hinc *Augustinus libr. de Arithmetica* ait: *Nemo ad rerum divinarum humanarumque cognitionem accedat, nisi prius numerandi artem addiscat.* Nam qui hanc callet, ostendet, ut in fabrica arcæ Noë receptacula fuerint constructa, quæ omnes caperent animalium species: *Arithmeticus ostendet, ut ab octo animabus intra 200. annos potuerit existere tanta hominum copia, ut monarchia conderetur Assyriorum.* Etiam ostendet, ut ex LXX. Israëlitis, qui ingressi in Ægyptum fure, post annos 215. propagari potuerit tanta hominum multitudo, quam Moses eduxit. *JCtis arithmetica usum affert, cum de ære dividendo, aut usuris & interusurio sententia pronuncianda est.*

## §. 10.

## §. 10.

*Geometriae usus ulterius in multis disciplinis Philosophicis non tantum, (ut organo Aristotelis, Ethica Aristotelis, cum de justitia agitur) adparet; sed etiam in Jurisprudentia, cum de agro & fundis dividendis quæstio est. In Theologia, cum de structura tabernaculi, templi Salomonis, & sancta illa Ezechielis civitate agitur, prodest. Nam hæc sine Geometrica scientia, nec intelligi nec explicari possunt. v. Tāqret Euclidem.*

## §. 11.

*Logistica mercatoribus & æratii præfectis necessaria est. Nec sine hac belli dux phalangem Macedonicam, aciem tripartitam Romanam, hastatorum, principum & triumvirum rectè ordinabit. Logisticæ beneficio præfectus annonæ colligit, quæ ad vitam necessaria sunt alendo exercitu.*

## §. 12.

*Musice non sinit animum torpere;*

B 5

sed

sed excitat, qvod Græci à vappimisq; di-  
cunt. Abstergit molestiam laboris,  
imò in re militari usum habet:

*Ære ciere viros, Martemq; accen-  
dere cantu.*

Confer Lipsium l. V. de Militia Rom.  
Dialog. X. Ipse Apostolus canendi mo-  
rem in Ecclesia Coloss. III, 16. & ad Eph.  
V. 19. commendat. Nam cantus divi-  
nus animos à curis humanis abducit,  
eosq; ad meditationes rerum cœle-  
stium elevat. confer Eryci Puteani Mu-  
sathenam cap. 6. & 12. & Jo. Alberti  
Banni Dissertat. Epistol. de Musicæ Na-  
tura, origine, progressu & denique studio  
bene instituendo, ad Petrum Sciverium,  
*Polyhistora.*

### S. 13.

*Optices dignitas & utilitas in cognoscenda cujusq; rei magnitudine, altitudine & distantia non tantum cernitur; sed ejus beneficio Physici & Astro- nomi miranda naturæ tam cœlestis, qvam elementaris deprehenderunt.*

Nam

Nam tubo dioptrico maculas solis, lunæ superficiem inæqvalem, viam lacteam esse condensationem stellarum minutarum; venerem lunæ instar nunc plenam esse, nunc in cornua abire, & multa alia Astronomi observarunt. Archimedes ejus usum in re bellica demonstravit, qvando naves Marcelli Syracusas obsidentis accedit. Non dicam, qvid statuarii & pictores huic arti debeant, si qvidem excellere in sua arte velint. Senes ac myopes ejus usum in conspicillis agnoscunt atqve sentiunt.

## §. 14.

*Geodesia* utilitas summa est in agris metiendis & finibus designandis. In bello indicat montium turriumque altitudines, latitudines fluviorum, rationem dirigendi tormenta bellica; maximè in Poliorceticis commodum præstare periti belli duces fatentur. Qvare Polybius l. IX. concludit, talia ignorare non debere ιγειδα και πολιτεύεσθαι

B 6

βελο-

βελομένες, qvi exercitum ducere vel  
rempubl. administrare volunt.

## §. 15.

*Cosmographia Astronomiam & Geographiam complectitur: qvia est totius orbis, sive compagis cœlo & elementis constantis, artificiosa descriptio. Astronomie* (qvaे veteribus etiam Astrologia dicitur) nobilitas & utilitas multis modis probari potest. Nam primo confert ad pietatem excitandam, cum cœlorum machinam describit artificiosissimam & planè admirandam; ex qua tum Creatoris sapientia, tum potentia ac providentia elucet. Hinc *Job. XXXV, 5.* monemur: *Suscipite cœlum, intuemini & contemplamini ætherem:* qvippe qvæ gloriam Dei enarrant. *Psal. XIX, 2.* Deinde usus ejus maximus in Politia deprehenditur. Nam motus cœlestis nobis est norma temporis, in vita nostra dimetienda, in contractibus ac aliis negotiis, ubi nota temporis, quæ ex motu corporum cœlestium solis &

lunæ

lunæ æstimator, addenda est. Non dicā de usu ejus in agricultura & œconomia rurestri, qvem *Virgilius in Georgicis* ostendit; nec de usu in re medica, qvem *Hippocrites Sc̄t. IV. aphorism. 5.* observat. Sed tantum addo controversiam de termino Paschali, in veteri Ecclesia vehementer agitatam, & in concilio Niceno decisam, non posse sine Astronomia ope intelligi. Qvod cum Dani & Sveci deprehenderunt, terminos festorum ex astronomica scientia, baculo inciderunt. vid. *Olai Magni Histor. Septent. l. XVI. c. 20.* & *Olaum Wormium in Festis Daniis l. 1. c. 2. & 3.* & seqq. nec non *Magni Celsi Computum Ecclesiasticum. Upsaliæ anno 673. editum.*

## §. 16.

Ad Astronomiam reducitur *Chronologia* seu doctrina temporum, qvæ sine Astronomia intelligi neqvit. Cujus fructus non tantum in historia, sed maximè in S. Scripturæ interpretatione elucet. *Qvis enim prædictiones Pro-*

pheticas, ut Danielis de hebdomadi-  
bus, & Johannis Apocalypsin interpre-  
tabitur; nisi Chronologiam in subsi-  
dium vocet? Fatetur hoc *Johannes*  
*Funccius*, insignis Chronologus, in *præ-*  
*fatione Chronologie sue*. Confer *Scali-*  
*geri*, *Petavii*, *Lydiari*, *Calvisii* & *Strau-*  
*chii* opera chronologica.

## §. 17.

*Geographia*, qvæ orbem terrarum  
describit, tum qvoad totum, tum qvoad  
partes ejus, usus in historia & politica  
manifestissimus est. Nam res, qvas hi-  
storia exponit, in terra aut mari gestæ  
sunt. Qvare nemo historiam sive ve-  
terem sive recentem sine *Geographiæ*  
auxilio, vel cum jucunditate leget, vel  
etiam satis intelliget.

## §. 18.

*Mechanice*, qvæ rationem non tan-  
tum efficiendi machinas & organa mi-  
randi effectus ostendit; sed usum vectis,  
trochlearœ, cochlearœ & similiū instru-  
mentorum tradit, vitæ humanæ utili-

tati

tati apprimè subservit. Eqvidem hoc videtur ad mechanicos pertinere: Verum causas artium mechanicarum demonstrare, ad scientias philosophicas, maxime ad Physicam & Geometriam sp. etat. Ideoque Matheseos pars est, in quā Archimedes olim excelluit. Nostro tempore Germani, Galli & Angli eandem excolere haud segniter studuerunt. *Scriptorum Mathematicorum chronologiam Vossius* libro supra allegato subjunxit: unde, qvi in qvavis parte excelluerint, cognosci potest. Circa methodum tractandi mihi lectu digna

M. Hortensii dissertatio videtur,  
qvam hic subjungam.

M. HOR-

M. HORTENSII  
Dissertatio de studio Ma-  
thematico recte instituendo,  
*ad V. C.*

MARCVM ZVERIVM BOX-  
HORNIVM.

**Q**VÆ super dissertatione de studio Mathematico recte instituendo non ita dudum coram differuius, vir clarissime, ea paucis in chartam conjecta, qvia ita postulabas, conspectui tuo fisto & offero, non ut singulare aliquod cimelium, sed qvia pro amicitia nostra, petitioni tuæ omni modo duxi satisfaciendum. Verborum lenocinia, & affectatam dictionis elegantiam hic ne queras. Sacra ista sine omni pompa tractari amant, & ut Mathesis ipsa per se ornari negat, contenta doceri; ita animus est, ab omni fuso temperata manu, rem ipsam nude proponere. Sic ergo habe. Qvicunqe Mathematicæ scien-

scientiæ operam dare vult, ante omnia  
certum sibi scopum proponere debet,  
nec temere per omnes ejus partes, qvæ  
variæ sunt ac vastæ, vagari. Nam aut  
perfectam Matheſeos notitiam affe-  
ctat; aut tantam modo, qvæ ſufficiat  
ad reliqua ſtudia felicius pertractanda.  
Si prius; ſciendum, non ſine labore ac  
temporis impendio, tum præcipue cer-  
to duce atqve ordine, eo perveniri. Si  
pofterius; res qvidem tanta difficulta-  
te non conſtat; at interim conſilio  
qvoqve indiget; nec ſine justa metho-  
do incœptanda. Qui mathematicus  
audire cupit, non *Arithmetican* modo  
& *Geometrian*, qvæ Matheſin proprie-  
dictam & ab omni materia abstractam  
conſtituunt, verum & *Astronomiam*,  
*Geographiam*, *Opticam*, *Mechani-  
cam* & *Staticam*, *Musicam*, *Geodesiam*  
& *Architecturam militarem*, probe cal-  
leat, oportet, ceteris qui gusto aliquo  
Matheſeos contenti eſſe volunt, partes  
aliquæ

aliqvæ ad libitum eligendæ , & in iis tantum comparandum exercitium , quantum rebus suis & studiorum instituto censem convenire. Ita multos hodie videoas , qvæ usum & praxin hujus aut illius partis sectando , de plenaria ejus & fundamentali notitia parum sunt solliciti. Paucos contra invenias , qvi puram illam & abstractam Mathematicin ita penetrent , ut se nomine Mathematicorum ex merito dignos esse ostendant. Ut autem quantum licet , utrisque satisfaciam ; viam indicabo , qvæ qvis e tyrone aut perfectus Mathematicus evadat , aut eam saltem cognitionem acquirat , qvam animo ac voto suo satisfacturam esse , prorsus confidat .

Igitur , qvoniam *Arithmetica* & *Geometria* solæ per se constant , ceteræ partes absqve his minime : & in Geometria multa occurrunt , qvæ etsi demonstrationes suas habeant , per numeros tamen plurimum illustrari solent ad captum iacipientium : in id tyroni unice

nice incumbendum, ut anteqvam ad Geometriam accedat. Arithmeticæ vulgatis aliquam sibi comparet peritiam: idqve aut e viva præceptoris voce, aut ex libellis minus obscuris, qvales sunt Arithmeticæ Gemmæ Frisi, Mala- pertii, Rami cum notis Snellii, Lauren- bergii &c. Sufficiet autem nosse qua- tuor species in integris & fractis, tum regulam auream, & qvædam de num- morum reductione ac proportione. Hinc ad Geometriam se conferat, o- mnium aliarum matheſeos partium, at- que ipsius adeo Arithmeticæ basin ac fundamentum. Ac perceptis probe Definitionibus, Postulatis, Axiomati- bus, ipsa aggrediatur Elementa, ab Eu- clide mirando ingenio & arte concin- nata, & ad posteritatem transmissa. Hic diligentem se præbeat & impigrum ad labores: &, si fieri possit, explicantem ea audiat magistrum; sin minus, com- mentatores adeat ſelectiores, Clavium, Candallam, Commandinum, Dibua- dium

dium. Commaninum præ ceteris commendarem, nisi vitiosissime esset editus; nec tacere in Rhodium, nisi in quibusdam propositionibus demonstrandis invenissem minus felicem. Ergo Clavio potius adhærebat; eique adiicit Henricum Savilium in 8. priores Propositiones Euclidis, & Proclum in librum ejus primum. Nullum hic tedium objiciat, aut ad compendia quædam Geometriæ deflectat. Devoranda semel omnis molestia; & ut nucleo potiatur, putamen, et si durum, frangendum. Ramum si cum Euclide conjungere velit, esto, ob brevitatem propositionum, & ad juvandam memoriam, non ut adhærebat aut seqvatur. Dedit ille vir nobis hortulum amoenis aliquot floribus constitutum, sed qui nulla ratione cum pomario Euclidis, & cultissimo Geometriæ agro, quem ejus Elementa aperiunt, veniat comparandus. Itaque Euclidem.

Noctur-

Nocturna versetqve manu , verset-  
qve diurna .

Mirum enim , quantum ad firmandum  
judicium faciat liber iste , ubi quis sedu-  
lo inqvirit in processum Demonstra-  
tionum , & unius Propositionis ex alte-  
ra deductionem , atqve huic ratiocina-  
tiones suas & discursus mentis studet  
conformare . Nec gressum teneat , aut  
iter semel incepturn mutet , si alibi spi-  
næ occurrant & remoræ qvæ cogant  
interdum subsistere . Illud perpetuo  
mente impressum habeat , qvod ipse  
Euclides olim regi Ptolomæo primo ,  
interroganti , num brevior aliquæ ad  
Geometriam via esset hac i[n]stitutione  
elementari ; respondit , nempe nullam  
esse , qvæ ad Geometriam ducat , viam  
Regiam .

Perceptis sex libris Elementorum  
prioribus , animum applicet ad doctri-  
nam Triangulorum planorum , & Geo-  
desiam , non neglecta interim Cyclo-  
metria . Et in doctrina qvidem Trian-  
gulo-

gulorum planorum præ ceteris legat  
Regiomontanum de Triangulis, Lans-  
bergii Geometriam Triangulorum,  
Trigonometriam Pitisci & Snellii, Fin-  
ckii Geometriam Rotundi. Geodæsiæ  
præcepta hauriat ex Orontii Finæi,  
Clavii, Metii & Stevini Geometria pra-  
etica. Cyclometrica petat ex Finckii  
Geometria Rotundi, Cyclometria  
Snellii, Longomontani, Lansbergii,  
Ludolphi a Cöllen, Adriani Romani,  
& ob notabilia Φευδογεαθριατα Josephi Scaligeri. Postquam in his satis se  
exercuit, tres seqventes Euclidis Libros,  
septimum nempe, octavum, & nonum  
perlegat; ac simul ad intimorem A-  
rithmeticæ cognitionem adspiret.  
Huic instituto servient Arithmetica  
Stifelii, Algebra Clavii & Rami, Lu-  
dolphi a Cöllen Arithmetica Surdo-  
rum, aliiqve. Decimum Euclidis li-  
brum ne attingat, nisi prius artem Ana-  
lyticam penitus inspicerit; cuius præ-  
cepta petenda erunt ex Isagoge Zeteti-  
cis,

cis, aliisque tractatibus Francisci Vietæ, ex libris Geraldī de Resolutione & Compositione Mathematica, scriptis Andersoni, Cyriaci, aliorumque. Qvæ tamen ut felicius asseqvatur, ex usu erunt affectiones quantitatuum generales ediscere, qvæ sub specie quadam Matheſeos universalis adumbratae sunt ab Adriano Romano in Cyclometricis: atqve ita quasi habitum quendam acquirere, quantitates abstractas variis modis inter se comparandi. Dum in Analyticis versatur, Problemata omnis generis sibi resolvenda proponat: quoram sylva quædam offertur in scriptis Ludolphi, Andersoni, Vietæ, Pappi Alexandrini, quoad Geometriam; Diophanti quoad Arithmeticam. Atque interim & decimum Euclidis librum absolvat, & tres seqventes qui agunt de solidis. His vero degustatis, ad Archimedem & Pappum se conferat, & qvæ ipsi circa solidorum doctrinam tradunt, studiosissime evolvat.

Pro

Pro praxi autem Stereometriæ legat Joh. Bayeri & Kepleri Stereometricam doliorum vinariorum. Tandem ut studio geometrico colophonem imponeat, ne dubitet se diffundere per Heliæ Archimedis, & Conica Apollonii, & Problemata, qvæ ad istam materiam pertinentia passim in aliis offendet auctoribus, via Geometrica & Analytica, continuo exercitio resolvere.

Hac semita qvi incedit, studio Geometriæ tandem se aptum præstabit ad percipiendas nullo fere labore ceteras Matheseos partes, in qvibus si quis operam suam non male collocatam velit, tali fere modo in singulis progrediatur. In Astronomicis a doctrina Sphærica initium faciat, legendo institutio-nes Astronomicas Peuceri, Metii, Mæstlini, Crugeri, & Commentaria Clavii in Sphæram Joh. de Sacrobosco. Perceptis autem artis terminis & usu circulorum, doctrinam Triangulorum Sphæricorum peritissime ediscat: tam per

per tabulas sinuum, Tangentium & Se-  
cantium, qvam per Logarithmos. At-  
que heic adeat modo dictos, Lansber-  
gium, Pitiscum, Snellium, Finckium :  
& pro notitia Logarithmorum, Nepe-  
rum, Benjam. Ursinum, Keplerum, &  
Gellibrandum in Trigonometria Bri-  
tannica. Problematum sphæricorum  
resolutionem petat ex Ptolomæi libro  
2 Almagesti, Longamontoni Astrono-  
mia Danica, Neperi Logarithmis & in-  
stitutione Astronomica Crügeri. Do-  
ctrinam Horologiorū Solariū & Astro-  
labii, ex Gnomica Clavii, Astrolabio e-  
jusdem, & Gemmæ Frisi Astrolabio Ca-  
tholico. Ubi vero satis diu in sphæricis  
versatus fuerit, ad Theorias Planetarum  
transeat ; & perfectis Theoriis Planeta-  
rum, Purbachii cū commentariis, Rain-  
holdi aut Christiani Wurstishi & Schre-  
ckenfuchsii ; Theoriis item Magiri &  
Mæstlini, ad ipsos fontes Artis prope-  
ret, Ptolomæum cum expositore Theo-  
ne, & Copernicum cum narratione  
Rhetici, in qvibus si qvæ ardua & diffi-

C

cilia

cilia occurrant, ad institutionem præceptoris configiat potius, qvam tempus frustra, proprio Marte sudando, conterat. Pertractata Astronomia veteri, recentiorum scripta evolvat, scilicet Progymnasmata Tychonis Brahe, Astronomiam Danicam Longomontani, Lansbergii Progymnasimata de motu solis, & Theorias, Kepleri Epitomen Astronomiæ Copernicianæ. Commentaria de motu maris & Tabulas Rudolphinas; nostrasqve, qvarum editionem propediem meditamus, controversias Astronomicas, atqve in calculo Astronomico strenue pro supputandis Planetarum locis & Eclipsibus se exerceat; ubiqve, si opus sit, implorato auxilio præceptoris, qvod nisi ipse cum danno meo expertus essem, qvid sit sine duce in istis autoribus vagari non tantopere svaderem.

In *Geographicis*, post rudimenta Cluveri, Bertii, Apiani, Ptolomæum consulat & Ortelium & Mercatorem, ac crebra

## DE SVTD. MATHEMATICO. 51

crebra Tabularum Geographicarum inspectione, ideam universi orbis terrarum, quantum potest, menti suæ in primat. Nec omittat artis nauticæ doctrinam petere ex Metio de usu Globorum, Snelli Typhi Batavo, Petro Nonio, Stevino.

In *Opticis & Catoptricis*, præter Euclidem de ista materia, adeundam habebit opticam Rhodii, Risneri, Agvilonii, Kepleri; Maurolycum de Lumen & umbra, Perspectivam Rogerii Bacchonis, & tandem opus ipsius Vi-

lonis principis opticorum. In Dioptricis legendi erunt tractatus Scheineri de Oculo, de Refractionibus cœlestibus, de Maculis solis, nec non Sirturi Telescopium, & Dioptrica Kepleri. In Schenographia, quam Perspectivam vocant, Gvidi Ubaldi Perspectiva & Stevini; aut si Gallice norit, Marolosii; si Italice, Vignolæ.

In *Musica* apud Latinos inveniet Boëthium, Fabrum Stapulensem, Hen-

C 2 rici

rici Glareani Dodecachordum, Kepleri Harmonicen Mundi, & opus Musicum recens M. Mersenni; apud Italos Zarlinum & Galilaeum; qvi vel curiosissimo satisfacere queant in universa Musices tam Theoria quam praxi.

In rebus Mechanicis & Staticis evolvat Mechanicam Aristotelis & Gvidi Ubaldi, Pappum Alexandrinum, Stevinum de Isorhopicis, Archimedem & Galilaeum de iis quae vehuntur in aqua, & ob materias mixtas Vitruvium, Cardanum de subtilitate & rerum varietate, & Joh. Baptista Porta Magiam naturalem.

In *Architectura militari* præcipui hodie censemur, Speckelius, Barleduc, Maroloisius & recentior Freitagius. Ex his quæcunque ad muniendas & oppugnandas civitates præcipiuntur ex usu militiae hodiernæ, Geometriæ cognitione instructus, nullo negotio hauriet; modo idiomatis Gallici aut Germanici, quo in libris suis utuntur, non sit omnino ignarus.

At-

Atqve ita qvanta potui brevitate rationem modumqve expedivi *Clarissime Boxhorni*, quo qvis aut ad plenariam matheſeos cognitionem pervenire qveat, aut hinc inde qyantum instituto suo satisfit, decerpere. Non ignoro alia aliis placere, & forte nonneminem futurum, cui ea methodus minus arri-deat, aut autores alii, cum iis qvos cito-vi, videantur permutandi. Verum in tam vasta scientia, non qvod omnium palato placeret, proferre studui, sed qvod non omnino displiceret judicio meo. Ipſe enim, si mea res ageretur, non alio tramite incederem. Fateor eqvidem, nonnullas partes ab uno au-tore felicius multo pertractari, qvam ab alio; euqve delectu opus esse, si ac-curatissime methodi leges sint obser-vandæ. Verum nec tempus nec otium mihi fuit, minuta ista accuratius cri-brandi. Et poterit studiosus matheſeos, ſitalibus modo autoribus instru-ctus fit, ubi progressus aliquos fecerit

in singulis partibus, optimos a multis  
probis facilime discernere. Apud te  
non est, qvod multis me excusem, si  
strictior fui, qvam pro dignitate mate-  
riæ; candoris tui erit, brevitati meæ  
ignoscere. Nam & typographum ur-  
gere scis, si pro varia ingeniorum con-  
ditione atque hodierno studiorum sta-  
tu, scribenda foret methodus; singulae  
Mathezeos partes peculiarem instru-  
ctionem pro se reqvirerent. Nulla e-  
nim tam angusta est, qvæ talia scriben-  
tem non patiatur, tum qvoad materiam  
pertractandam, tum qvoad scripta di-  
versorum autorum, qvam latissime ex-  
spatiari. Hæc ergo sufficere arbitror,  
& si qvodammodo petitioni tuæ vi-  
dear fecisse satis, habebo unde mihi  
gratuler, vale, vir clarissime, & me, ut  
soles, constanter ama. Dabam raptim

Amstelodami, IV. Non. Jul.

M. DC. XXXVI.

SE-